



## Statüts da la Corporaziun evangelica Scuol/Tarasp

sün basa da la constituziun da la Baselia evangelica refuormada dal Grischun<sup>1</sup> e da l'orden sur da la fuorma e vita in la raspada,<sup>2</sup>

relaschè als 26 avrigl 2023

da la radunanza da la Corporaziun evangelica Scuol/Tarasp,

---

### I. Disposiziuns generalas

#### Art. 1

<sup>1</sup> La Corporaziun evangelica Scuol/Tarasp (in seguit: corporaziun) as basa sün Dieu e sün l'Evangelì da Gesu Crist. Fundamaint ed incumbenza

<sup>2</sup> Ella porta l'evangelì biblic in noss temp. Ella aintra in giavüschs e dumondas dals umans ed accompagna els pro la tschercha da sen e dad orientaziun.

#### Art. 2

<sup>1</sup> La corporaziun fa part a la Baselia evangelica refuormada dal Grischun. (in seguit: Baselia chantunala). Appartnentscha a la Baselia chantunala

<sup>2</sup> Ella cooperescha ad intrapraisas ed activitats da tuot las instanzas da tala.

#### Art. 2a

<sup>1</sup> La corporaziun es part da la regiun ecclesiastica Engiadina Bassa-Val Müstair. Appartnentscha a la regiun ecclesiastica

<sup>2</sup> Ella deleghescha a duos consistorials ed als ravarendas chi stan in servezzan da lur corporaziun. Il temp d'uffizi düra trais ons. Reelecziuns sun admissas.

#### Art. 3<sup>3</sup>

<sup>1</sup> A la corporaziun appartegna mincha persuna evangelica cun domicil in las fracziuns Scuol e Tarasp dal cumün politic da Scuol, Appartnentscha persunala

---

<sup>1</sup> Collecziun ledschas da la baselia (CLB) 100

<sup>2</sup> CLB 210

<sup>3</sup> Art. 5, CLB 100

- a) da la quala ils genituors han declerà la commembranza pro la naschentscha o davo avair cumpli il 16avel on da naschentscha;
- b) chi vain nanpro aint il chantun sco commembra d'una baselgia evangelica;
- c) chi declera al consistori l'entrada.

<sup>2</sup> La sortida da la corporaziun e da la Baselia chantunala ha da seguir in scrit al consistori.

**Art. 4**

Dret da vuschar

Il dret da vuschar han – independentamaing da lur naziunalità – tuot las commembras resp. ils commembers chi han accumulì 16 ons e chi accumulischan las premissas politicas da pudair ir a vuschar. Da 18 ons davent po üna commembra resp. ün commember gnir elet resp. eletta in caricas.

**Art. 5**

Organs

Ils organs da la corporaziun sun:

- a) la totalità da votantas e votants;
- b) il consistori;
- c) il revisurat;
- d) l'uffizi da pravenda.

**Art. 5a**

Direcziun cumünai vla da la corporaziun

<sup>1</sup> Tuot las commembras e tuot ils commembers da la corporaziun güdan cumünai vmaing a portar la vita da la baselia, confuormamaing a lur pussibilitats, lur duns e lur scolaziun.

<sup>2</sup> Il consistori e l'uffizi da pravenda procuran il svilup da la cumünanza e mainan cumünai vmaing la corporaziun.

**II. Las radunanzas**

**Art. 6**

Radunanzas ordinarias

Las radunanzas ordinarias han lö la prümvaira per approvar il rendaquint e l'utuon per approvar il büdschet e per fixar il pè d'imposta per l'on seguaint.

**Art. 7**

Radunanza extraordinaria

Üna radunanza extraordinaria vain bannida dal consistori o sch'almain tschinch pertschient da las commembras resp. commembers cun dret da vuschar inolteschan üna pretaisa in merit. Quista pretaisa ha dad esser accompagnada d'una motivaziun detagliada in scrit.

**Art. 8**

<sup>1</sup> L'invid a las radunanzas segua almain 14 dis avant co ch'ella ha lö cun indicaziun da las tractandas. Publichà vain l'invid illas chaistas nairas, sün la pagina d'internet da la corporaziun ed illa gazetta Nossa Baselgia, cun l'indicaziun ingio chi po gnir retrat la documainta correspondententa.

Invid, cum-petenzza da decider

<sup>2</sup> Mincha radunanza chi vain convochada seguond regla es cumpetenta da decider.

**Art. 9**

<sup>1</sup> La radunanza es l'organ superiuor da la corporaziun. Ella ha tuot las cumpetenzas chi tilla suprastan tenor ledscha e decida in tuot las fatschendas fintant cha las decisziuns nu sun surdattas ad ün oter organ.

Cumpetenzas

<sup>2</sup> Ella es respunsabla per:

- a) relaschar e reveder ils statüts
- b) relaschar e reveder las ledschas;
- c) tscherner la presidenta, resp. il president, las otras commembras resp. ils oters commembers dal consistori sco eir il revisurat;
- d) tscherner las delegiadas, resp. ils delegiats da la corporaziun in la regiun ecclesiastica;<sup>1</sup>
- e) tscherner e da licenzchar la ravarenda, resp. il ravarenda;
- f) approvar il rapport annual dal consistori e da l'uffizi da pravenda;
- g) approvar il quint annual;
- h) fixar il pè d'imposta per la corporaziun ed approvar il büdschet;
- i) decider sur d'expensas chi surpissan il büdschet da l'on curraint;
- j) approvar il protocol da l'ultima radunanza;
- k) decider sur da las propostas suottamissas dal consistori;
- l) inviar propostas a la regiun ecclesiastica o al Cussagl da Baselgia chantunal;
- m) decider a regard iniziativa dal pövel;
- n) decider sur da l'appartgnentscha ad üna regiun ecclesiastica;
- o) decider sur d'üna fusiun cun otras corporaziuns.

**Art. 10**

<sup>1</sup> Propostas da commembras resp. commembers ston gnir inoltradas in scrit al plü tard fin la fin da favrer resp. la fin da settember al consistori.

Dret da far propostas

<sup>2</sup> Propostas chi vegnan fattas in üna radunanza ha il consistori da tour incunter e da trattar a man da la prosma radunanza.

**Art. 11**

<sup>1</sup> Las tschernas vegnan manadas tras per scrutin, schi nu vain propouonü e decis unanimamaing da vuschar cun majorità averta. Pro'l prüm scrutin

Votumaziuns e tschernas

---

<sup>1</sup> CLB 100

decida la majorità absoluta, pro'l seguond scrutin la majorità relativa. Pro egualità da vuschs decida la būs-cha.

<sup>2</sup> Votumaziuns sur da fatschendas vegnan fattas cun majorità averta schi nu vain propuonü da vuschar per scrutin. I decida la majorità da vuschs. In cas d'egualità da vuschs es la dumonda sbüttada.

<sup>3</sup> Dumondas da reponderaziun vegnan acceptadas cun almain duos terzs da las vuschs valablas.

<sup>4</sup> Pro elecziuns e votumaziuns valan las stipulaziuns respectivas da la ledscha grischuna davart l'adöver dals drets politics.<sup>1</sup>

### III. Il consistori

#### Art. 12

Cumposiziun

Il consistori consista d'almain tschinch commembras resp. commembers. El vain elet mincha trais ons. Reelecziuns sun admissas. Il consistori scumparta s'vess ils decasteris cun excepziun dal presidi.

#### Art. 13

Invids,  
cumpetenzza da  
decider

<sup>1</sup> Il consistori as raduna in seguit a l'invid da la presidenta resp. dal president o sch'almain duos commembras resp. commembers giavüschan quai. El po trar decisiuns, scha la majorità da las commembras resp. dals commembers es preschainta.

<sup>2</sup> La ravarenda resp. il ravarenda vain invidada resp. vain invidà per regla a las sezzüdas. Ella resp. el ha vusch consultativa.

<sup>3</sup> Il consistori po invidar a las sezzüdas a perits per consultaziuns.

#### Art. 14

Drets e dovairs

Il consistori es l'organ executiv da la corporaziun. El mantegna e promovva la vita religiosa illa raspada. El s'occupa da tuot las fatschendas, per las qualas ingün'otra autorità es responsabla.

<sup>2</sup> El es responsabel impustüt per:

- a) l'execuziun dals decrets e decisiuns da la corporaziun;
- b) relaschar las ordinaziuns e'ls reglamaints;
- c) preparar las tractandas, bannir e manar las radunanzas;
- d) preparar la tscherna da la ravarenda, resp. dal ravarenda e da tilla laschar confermar dal cussagl da Basalgia chantunal;
- e) pisserar per rimplazzamaints o ün provisor in cas cha la plazza da la ravarenda resp. dal ravarenda es vacanta;<sup>2</sup>
- f) ingaschar e relaschar ulteriuras collavuraturas ed ulteriurs collavuratur;

---

<sup>1</sup> LDP; DG 150.100 (Lescha davart ils drets politics in il chantun Grischun)

<sup>2</sup> Art. 26 e 28 CLB 210

- g) reglar las relaziuns d'ingaschamaint in il rom da las normas da la Baselgia chantunala;<sup>1</sup>
- h) promover l'edificaziun ed il svilup da la coporaziun ed approvar lur spüertas, projects ed arrandschamaints;
- i) survagliar l'instrucziun da religiun e da confirmandas resp. da confirmands e da decider in cas da dubi, scha confirmandas resp. confirmands pon gnir admissas resp. admiss a la confirmaziun;
- j) fixar las collectas, tant inavant cha talas nu vegnan ordinadas da la Baselgia chantunala;
- k) survagliar e sustegner las personas incumbenzadas e voluntarias da la corporaziun in lur lavur;<sup>2</sup>
- l) manar las finanzas e la facultad da la corporaziun;
- m) administrar e pisserar pel mantegnimaint dals stabels, dal fuond e da l'ulteriur posses da la corporaziun;
- n) manar l'archiv da la corporaziun;
- o) cooperar pro l'execuziun dals uordens da la Baselgia chantunala;
- p) rapreschantar la corporaziun vers l'extern;
- q) suottascriber pro affars importants collectiv in duos;
- r) garantir la fluxiun da las infuormaziuns tanter la corporaziun e la regiun ecclesiastica;
- s) far propostas a man da la regiun ecclesiastica e dal cussagl da Baselgia chantunal.

**Art. 15**

<sup>1</sup> Ulteriuras personas incumbenzadas vegnan finadas dal consistori. Ellas han las abiltats personalas e professiunalas per exeguir lur lavur.

Ulteriurs  
persunas  
incumbenzadas,  
voluntarias e  
voluntaris

<sup>2</sup> Las cundiziuns da finaschun e las incumbenzas vegnan stipuladas in ün contrat da lavur.

**IV. Il revisurat**

**Art. 16**

<sup>1</sup> Il revisurat consista da duos commembras resp. commembers ed üna suppleanta resp. suppleant chi vegnan tschernüdas resp. tschernüts per üna dürada da trais ons. Reelecziuns sun admissas.

Cumposiziun ed  
incumbenza

<sup>2</sup> Il revisurat examinescha il quint, rapporta lasupra minch'on in scrit al consistori a man da la radunanza.

---

<sup>1</sup> Art. 17 CLB 100

<sup>2</sup> Art. 22 e 23 CLB 210

## V. L'uffizi da pravenda

### Art. 17

Incumbenza

<sup>1</sup> La ravenda resp. il ravenda sta in servezzan da la corporaziun. Ils dovairs in predicaziun, instrucziun, chüra d'orma e diaconia accumullescha ella resp. el in respunsabilità invers il Segner, in basa a las disposiziuns da la Baselgia chantunala e talas da la corporaziun ed in collavuraziun cul consistori e las otras persunas respunsablas da la corporaziun.

<sup>2</sup> Las cundiziuns vegnan stipuladas in ün contrat da lavur.

## VI. Finanzas

### Art. 18

Finanziaziun

<sup>1</sup> La corporaziun relascha üna ledscha davart las finanzas.

<sup>2</sup> Ella as finanziaziun impustüt tras:

- a) impostas;
- b) fits da munaida e da fond;
- c) donaziuns, legats e contribuziuns da terzs;
- d) contribuziuns our da l'egualisaziun da finanzas;
- e) contribuziuns da la Baselgia chantunala.

<sup>3</sup> L'economia vain manada seguond ils princips da legalità, d'egualisaziun e d'operusità.

<sup>4</sup> La corporaziun inchascha impostas sün basa dal dret chantunal. Ella relascha üna ledscha d'impostas.

## VII. Disposiziuns finalas e transitoricas

### Art. 19

Müdamaints dals statüts

Quists statüts pon gnir müdats o rimplazzats, sch'almain duos terzs da las commembras resp. dals commembers preschaintas resp. preschaints a la radunanza pretendan quai. Propostas da müdamaints vegnan trattadas dal consistori e suottamissas a la prosma radunanza.

### Art. 20

Entrada in vigur

<sup>1</sup> Quists statüts aintran in vigur davo chi sun gnüts acceptats da la radunanza da la corporaziun e davo l'approvaziun tras il cussagl da la Baselgia chantunala.

<sup>2</sup> Sün quel termin vegnan levats ils statüts dals 27 november 2009.

### Art. 21

Disposiziuns transitoricas

Las commembras resp. ils commembers dal consistori e dal revisurat chi sun elettas resp. eletts tenor il dret vegl, restan in uffizi fin chi scrouda la perioda d'uffizi.

Corporaziun evangelica Scuol/Tarasp

La presidenta:

*Annina Kasper*

La vicepresidente:

*Monika Défayes*

Approvaziun tras il cussagl da baselgia chantunal

Cuoira, 8 gün 2023

La presidenta:

*Erika Cahenzli*

L'actuar:

*Peter Urs Wydler*